







From Room Counting Lib.

OCT 31 1999

滑伯仁曰寒涼之溢水乃瀉火也溫熱之助火乃折水也衄血手陽明循手經上行入清氣道中咯血乃入于所合也所合肺也

又曰咯血為病最重且難治者以肺手太陰之經氣多血少又肺者金象為清肅之臟今為火所制迫而上行以為咯血逆之甚矣上氣見血下聞病音謂喘而咯血且咳嗽也

唾血責在下焦陽火煎迫而為之也腎主唾為足少陰少血多氣故其証亦為難治

八卷

三

恩袍散 治咯血吐血唾血及煩躁咳嗽

生蒲黃 乾荷葉 茅根各等分

為末每服三錢濃煎桑白皮湯食後溫服

丹溪方 治咯血

桑白皮一錢五分 半夏炒 知母 貝母 茯苓各一錢

生地黄 陳皮各一錢 阿膠炒 甘草 杏仁炒各五分

山梔子 桔梗各七分 柳桂二分入此以治上焦

姜葱白水煎服

又方 治咯血衄血

白芍藥一兩 犀角二錢五分

各為末新汲水調服一錢血止為限

又方 治咯血

荷葉焙乾 為末米湯調下二錢

又方 治痰中血

白朮一錢五分 貝母 芍藥 桑白皮 薤仁各一錢

甘草三分 山梔炒黑一錢二分 牡丹皮一錢五分 水煎服

又方 治痰中血

橘紅一錢五分 半夏 茯苓 貝母 牡丹皮

桃仁錢各一 黃連 甘草 大青各五分

姜三片水煎服

又方 治痰中血

橘紅錢二 半夏 茯苓 白朮 枳壳 黃芩

桑白皮錢各一 五味子十五粒 甘草三分 人參五分

或加青黛五分水煎服

地黃散 治一切吐血咯血能解一切毒及諸熱

煩燥

澤草根錢四 大荳子 黃藥子 甘草各二兩

右為末每服二錢新汲水調下加入人參二兩

治痰嗽有血

又方 治吐血熱渴

茅根一味絞汁飲之一日三服効

治虛勞久嗽咯血

五倍子炒為末 每服一錢温茶調勻米飲送下

白芨散 治咯血

白芨兩一 藕節錢五 為細末每服一錢白湯調下神

効 或云白芨下咽直至血竅為之填而血

止也 醫說云治肺損咳血殊効

四血散 治衄血吐血便血

益元散加當歸并泉石 淋者加梔子莖中痛

加蒲黃 水瀉加車前子 米飲調下

元戎方 治鼻血口血大小便血 服時隨病上下食前後服

丹參 蒲黃 紫蘇 滑石分等 為末調服

鼻衄

陳無擇曰衄者因傷風寒暑濕流傳經絡涌泄于

清氣道中而致者皆外所因積怒傷肝積憂傷

肺煩思傷脾失志傷腎暴喜傷心皆能動血隨

氣上溢而致者皆內所因飲酒過多啖炙燔辛

熱或墜墮車馬傷損而致者皆不內外因也

原病式曰衄者陽熱怫鬱干於陽明而上熱則血

妄行而鼻衄也

丹溪云衄與吐血同涼血為主犀角地黄湯

加鬱金

又曰衄血出于肺以犀角升麻梔子黃芩芍藥生

地黃紫苑丹參阿膠之類主之

愚謂言肺者以竅言也言腸明

者以血海言也其治亦多相須

戴元禮曰鼻通於腦血上溢於腦所以從鼻而出

治宜茅花湯調止衄散服之 有頭風自衄頭

風纒發則血不止治頭風兼止衄之劑 有因

虛致衄者此為下虛上熱不宜過用涼劑宜四

物湯加參芪沉香磨服 傷濕而衄腎昏易口

川芎 伏暑而衄茅花湯調五苓散 上膈極

熱而衄犀角地黃湯加黃芩茅花荆芥虛者茯

苓補心湯 飲酒過多而衄茅花湯加川芎乾

葛 病衄愈後血因舊路一月或三四衄又有

洗面而衄日以為常四物湯加阿膠蒲黃仍佐

以蘇子降氣湯使血隨氣下

統旨謂風行水動氣行血流治衄者則知血藥以

治衄而不知氣降則血歸經古人所以血藥中

必加氣藥一二味如上所謂蘇子降氣湯之類

是也前人謂身熱則死寒則生亦是大槩言之耳豈無熱生而寒死者乎必兼詳脉症而後可也

治風寒之劑

桂枝湯

方見傷寒

治熱之劑

犀角地黄湯

方見吐血門

茜根散 治鼻衄不止

茜根

阿膠

蛤粉炒

黃芩

側柏葉

生地

各一

甘草

五錢

加姜三片水煎服

黃芩芍藥湯

治鼻血不止

黃芩

芍藥

甘草

水煎服

川芎三黃散

直指方

治實熱衄血

大黃

濕紙煨

川芎

黃連

黃芩

各等分

右為末每服二錢井水調下食後服

黃連散 經方 治大人小兒盛熱乘于血、隨熱氣

散溢于鼻謂之鼻衄凡血得寒則凝澁結聚得

熱則流散妄行

黃連 黃芩 栢葉 甘草 各等分 豆豉 三十粒

右每服一兩水煎服

治血衄血汗以人中白新瓦上焙乾為末入射香

少許酒調下

生地黄湯 治榮中有熱及肺壅鼻衄生瘡一切

丹毒等疾

生地 赤芍 當歸 川芎 各等分

水煎食後溫服 若鼻衄加蒲黃生瘡加黃

芩丹毒加防風

濟生麥冬飲 治衄血不止

麥門冬 生地黃 各等分 每服一兩水煎服

一方 治鼻衄及酒疸黃沙淋

萱草根搗汁一鍾生姜汁相和時時細呷

貫衆散 治鼻衄

貫衆根 為細末水調一錢立止

羅太無寸金散 治鼻衄不止

黃藥子五錢 土馬穩五錢有足者 生甘草一錢

右為末每服二錢新水調下未止再服立差

本草云土馬穩即苔與垣衣之類垣衣生墻垣之側土馬穩生墻垣之上背陰古墻上有

一方 治衄血

蛀竹末米糊調下二錢効

茅花湯 治衄

茅花一大握剉水煎飲之立止

清熱帶補之劑

生地黃散 治咯血衄血吐血諸血証皆治之

枸杞子 柴胡 黃連 地骨皮 天門冬

白芍藥 甘草 黃芩 生地黃 熟地黃

各等分水煎服 治便血加地榆

海藏龍腦雞蘇丸 治上焦熱除煩解勞去肺熱

咳衄血熱驚悸脾胃口疳吐血肝膽熱泣出口

苦腎熱神志不定上而酒毒膈熱消渴下而血

滯五淋血崩等疾

薄荷一斤麥門冬去心阿膠炒黃芪炒蒲黃炒

人參已上俱藥木通 銀柴胡各二兩對同木通浸一宿絞出汁

生地黄六兩甘草一兩黃連一兩

右為細末好蜜二斤先煎一二沸然後下生

地黄末不住手攪勻加木通柴胡汁浸熬成

膏勿令火緊焦了然後加前藥末和丸如碗

豆大每服二十九丸白湯下 虛勞虛煩梔子

湯下 肺熱黃芩湯下 心熱驚悸恍惚人

參湯下 咯唾吐血麥門冬湯下 肝熱防

風湯下 腎熱黃柏湯下 治五淋及婦人

漏下車前子湯下 痰嗽者生姜湯吞下

莖中痛蒲黃滑石水一鍾調下 氣逆者橘

皮湯下 室女虛寒熱潮作柴胡人參湯

下

地黄飲 治衄血往來久不愈者甚効

生地黄 熟地黄 枸杞子 地骨皮各等分

右為末每服二錢蜜湯調下日三服

補虛之劑

止衄散

黃芪六錢 赤茯苓 白芍藥 當歸 生地

阿膠炒各三錢 為末以黃芪湯調下三錢

產後鼻衄

大全云產後口鼻黑氣起及鼻衄者名胃絕此証不可治遇有此者急取緋線一條并產婦頂心髮兩條緊繫中指節即止

治產後鼻衄中風以荆芥為末童便調下氣虛者不可用

齒衄 又名牙宣

總旨云血從齒縫中或齒根出者謂之齒衄有風

壅有腎虛風壅者消風散外以祛風擦牙散腎

虛者以腎主骨齒者骨之餘虛火上炎服涼藥

而愈甚以屬腎經下虛而上盛宜鹽湯下安腎

丸間服黑錫丹仍用青鹽炒香附黑色為末擦

之亦有胃熱而牙斷出血者宜清其熱清胃散主之

附方

肘後方 治齒血不止

苦竹茹以醋浸一宿含之

千金方 治同

礬石一兩滾湯三升煮取一升先拭齒乃含之

又方 濃煎竹葉湯入鹽少許含之

衍義方 治齒縫出血不止

用紙撚蘸蟾酥少許插入出血處立止

靈苑方 治虛氣攻牙齒痛血出牙齦痒痛

骨碎補二兩細剉炒黑色為末擦之早晨漱久

吐出臨睡擦畢俟津液滿口嚥之

丹溪治陰虛牙出鮮血亂齦

四物湯加香附牛膝生甘草劍栢葉服

羅太無治牙痛腫痒動搖牙斷宣露出血口氣疾

當歸 藁本 地骨皮 防風 白芷 槐花

川芎 甘草 升麻 北細辛各等分

為末擦痛處甚者取三錢水鍾半黑豆半合

生姜三片煎至一鍾乘熱漱之冷則吐出

本事方 治一切牙疼風熱斷常出鮮血以至崩

落口臭不可近人者宜服之

大黃米泔浸軟切片 生地黃大者薄切

右二味旋切各用一二片合定貼所患牙上
一夜即愈未全可再如前用忌說話恐引風
毒津液漬患處

舌血

舌上或出血如簪孔者香薷汁服一升日三服

又方 髮灰二錢米醋調敷舌上血出處

文蛤散 治熱壅舌上出血如泉

五倍子洗白膠香 牡蠣粉各等分

右為末每用少許搽患處或燒熱鉄熨孔上

槐花散 治舌上無故出血如線

槐花炒為末摻之仍用麥冬煎湯調下妙香散

妙香散 方在婦人門第二卷夢與

鬼交條下

肌衄一名血汗

河間定命散 治膽受熱、血妄行鼻中衄、并

血汗不止

硃砂 寒水石 麝香 為末每用五分新

汲水調下不拘時候看老幼虛實加減

肌衄者血從毛孔而出前人多主于肺熱

古方以男胎髮燒灰撲之

大全竹茹湯 方見便血條

黃芪建中湯 辰砂妙香散

小便血 尿血不痛者乃血淋也當與淋門參治

經云胞移熱于膀胱則癃溺血

仲景曰熱在下焦則尿血亦令淋闕不通

玄珠經云小便出血是心伏熱在于小腸宜鏡面

竹自然汁加生蜜一匙服之或以八正散加麥

門冬葱煎服如小便澀痛以海金沙細末調治

綱目云胞絡絕則澀血故經曰悲哀太甚則胞絡

絕胞絡絕則陽氣內動發則心下崩數澀血也

凡咳而澀血脫形其脉小勁是逆也

凡淋不可發汗之之必便血便血不止用柿一箇
燒存性為末米飲調下

統旨云屬熱屬血虛有因心腎氣結所致或憂勞
房室過度此得之虛寒不可專以血為熱而導
二者皆致溺血熱用小薊湯四物湯煎服効虛
用四物湯調牛膝膏火動榮血妄行者再加黃

柏知母虛寒者十全大補湯加炒蒲黃

白仁曰小便血足太陽隨經入膀胱也與小便

兩方

治房失勞傷小便出血

山藥一兩鹿角錢五髮灰錢二為末芋根搗汁打糊

為丸梧子大每服五十九丸空心食前白湯下

治大小便出血不止

劉寄奴為末茶清調服立止

治尿後有乾血 乾柿餅三枚燒灰陳米湯調服

羅太無髮灰散 治小便尿血

髮灰本草云髮灰能消瘀血通關格利水道破瘡疽血衄丹溪云髮補陰甚捷

右一味每用一二錢以米醋二合湯少許服

井花水調亦可

一法茅草根車前子煎湯調下尤妙兼治肺疽心
衄內崩吐血一兩口或舌上出血如針孔若白
衄吹內立已

葛氏方 治小便出血

當歸四酒三煎一升頓服

肘後方 治尿血

苧麻根十根水五升煎取二升一服効

外臺秘要 治尿血

車前草汁五合空心服茅草根汁亦妙或加酒以許冲服

小薊飲子 治下焦結熱尿血成淋

生地四兩小薊根 滑石 通草 山梔仁

當歸酒洗淡竹葉 藕節 蒲黃炒甘草各五錢

右每服一兩水煎空心服

丹溪云尿血有實熱者可用當歸承氣湯後以四

物湯加山梔當歸承氣湯即調胃承氣湯加當歸是也

又方 治溺血屬熱 山梔炒 水煎服

或用小薊琥珀 血虛者四物湯加牛膝膏

又方 治血淋

木通 甘草梢 蘗麥 山梔 水煎服

濟生鹿角膠丸 治房室勞傷小便尿血

鹿角膠五錢 沒藥另研 油頭髮灰各三錢

右為末用茅根湯打糊為丸如梧桐子大每

五十九丸鹽湯送下

玉屑膏 治氣虛尿血并五淋砂石疼痛不可忍

黃芪 人參各等分 為末用大蘿蔔切一指厚三

四片蜜淹少時蘸蜜炙乾復蘸復炙盡蜜二

兩為度勿令焦至熟蘸黃芪人參末吃不時

仍以鹽湯送下

又方 治老人小兒尿血不止

川升麻一兩半作一帖水煎服妙

又方 治虛而尿血

阿膠三兩炙搗為末酒一升和溫服

當歸散 治婦人小便出血或時尿血

當歸 羚羊角 赤芍各五錢 生地黃一兩

大薊葉七錢 分作三帖水煎食前服

六味地黄丸 治老人尿血及陰虛尿血

玄胡散 治尿血作痛

玄胡索一兩 朴硝三分 水煎服

五倍湯 治尿血不止

五倍子煎湯露一宿次早取上面清者溫服

龍骨散 治尿血

龍骨末一錢五分 水調服日三服 瘥此二方皆收澁之劑

小瀉血血淋方 小煎根 琥珀

二味為末水煎服蓋二味能治下焦熱結

琥珀散 治五淋澀痛小便膿血

琥珀 海金沙 沒藥 蒲黃各一兩

為極細末每服二錢食前煎萱草湯調下

治血淋及小便閉方

杜牛膝根二兩 朴硝一兩 用雪水二碗煎牛膝

一碗去渣入朴硝攪勻空心服

治小便出血莖痛不可忍

淡豆豉一撮 煎湯溫服之甚効

治血淋方

牛膝兩 黃柏 知母 澤瀉各一兩 麥門冬

天門冬 山梔仁各一兩 生地黃二兩

為末粥糊丸如梧桐子大每空心白湯吞下

八九十九

又方 治同上

人參 白朮 川歸 熟地 川芎 山查

茯苓各八分 黃芪七分 升麻三分 水煎服

又方 治同上

牡丹皮 當歸 生地 山梔子 白芍

甘草梢 滑石 澤瀉 白茯苓 木通

各等分每服五七錢加生姜皮二分灯心一

分水煎食前服

下血

素問云結陰者便血一升再結二升三結三升駱

龍言云結陰之病陰氣內結不得外行血無所

稟滲入腸間故便血也其脉虛澁因血結不行故下

本事方云如下清血色鮮者腸風也血濁而色黯

者臟毒也肛門射血如線者虫痔也

仲景云下血先便後血者此遠血也黃土湯主之
先血後便者此近血也赤小豆當歸散主之
潔古云 治血下防風為上使黃連為中使地榆
為下使 若血瘀色紫者陳血也加熟地黃
若血鮮色紅者新血也加生地黃 若寒熱者
加柴胡 若肌熱者加地骨皮 若脉洪實痛
甚者加酒浸大黃

生生子曰便血有濕有熱有虛有寒有食積有酒
積有風入大腸治之之法切不可純以寒涼損

壞脾胃脾虛尤不能約束其血也故丹溪戒人
凡用血藥不可單行單止不可純用寒涼必于
寒涼中加辛味為佐久不愈者復用溫藥必兼
升舉藥中加酒炒酒煮涼藥如酒煮黃連之類
丹溪曰腸風獨在胃與大腸出治用黃芩秦艽槐
角升麻青黛 定腸風痛用蒼朮滑石當歸生
地黃芩甘草 下血屬虛者當溫散之四物湯
加乾姜升麻 便血過多者四物湯加蝟皮
有熱者四物湯加山梔升麻秦艽阿膠 有兼

風者蒼朮秦艽芍藥香附 胃清血非藍實除不
 玄珠經云大便下血曰腸風切勿止澁究其本末
 症狀先清其表後攻其裏其血自止如脉洪大
 又當以四物合解毒湯調理

熱則流通虛則下溜故便血屬熱屬虛亦有風傷
 肝而下陷及濕盛而傷血者 熱而下血或清
 或濁宜四物湯加黃芩山梔炒槐花秦艽膠珠
 虛者四物加乾姜升麻涼藥隨虛實加減 風
 傷胃獨下清血者宜四物湯加防風升麻荆芥

柴胡升提之 濕入腸胃下如豆汁色者宜四
 物加蒼朮白朮黃連黃柏地榆槐花 陰虛下
 血無熱者十全大補湯加止血之劑

統旨云便血或清或濁或鮮或黑或在便前或在
 便後或與泄物並下以由內外有所感傷凝停
 在胃隨氣下通亦是妄行之意便血清者屬榮
 虛有熱濁屬熱與濕色鮮者屬火黑者火極先
 血後糞為近先糞後血為遠與泄物並下者屬
 有積在內或絡脉傷也並宜分治又當別其色

而分寒熱也色鮮多因腸胃蘊熱必是飲酒過多辛熱燻灸之故也宜連蒲散或黃連阿膠湯色瘀或因寒邪凝滯血逐冷氣入客腸胃宜理中湯加膠珠炒黑香附其應甚捷大抵下血後必以胃藥收功胃氣回血自循其經絡矣

伏暑純下鮮血黃連香薷飲治之方見傷暑門

風熱流入大腸經下血不止敗毒散治之方見傷風門

風濕乘虛入於腸胃下清血或下瘀血胃風湯

滑伯仁曰大便前後下血便前由手陽明隨經下

行滲入大腸傳于廣腸而下也便後由足陽明隨經入胃滯溢而下者也古人謂近血遠血者是也又有所謂腸風臟毒者腸風則足陽明積熱久而為風、以動之也臟毒則足太陰積熱久而生濕從而下流也風則陽受之濕則陰受之

和中去濕之劑

東垣升麻補胃湯 治宿有腸血症因五月大熱

吃杏腸癖下血遠三四尺散漫如篩腰沉沉然

腹中不痛血色紫黑病名濕毒腸澼是陽明少
陽經血症

升麻 柴胡 防風各一錢羌活一錢當歸身

葛根各三錢獨活 白芍 生地 丹皮 熟地

甘草各五分黃芪一錢肉桂許少水煎食前服

和中益胃湯 治太陰陽明腹痛大便常澹泄設

不泄即秘結在後傳為濕熱毒下鮮紅血腹中

微痛脇下急縮脉緩而洪弦中指下得之按之

空虛 熟地三錢歸身酒洗甘草各三錢升麻

柴胡各五分蘓木一分藁本二分水煎食前服

升陽除濕和血湯 治腸澼下血另作一派其血

澀出有力而遠射四散如篩下春二月中旬日

下二行腹中大作痛乃陽明氣冲熱毒所作也

當升陽去濕熱和血脉不兩服而愈

生地 丹皮 甘草生炙各五分白芍一錢熟地

黃芪各一錢升麻七分歸身 蒼朮 秦艽各三分

肉桂 陳皮各二分水煎食前服

當歸和血散 治腸澼下血濕毒下血

槐花 青皮 荆芥 熟地 白木各六分 當歸

升麻各一錢 川芎四分 為末食前米飲調下

椿皮丸本事方 臭椿皮十四兩 蒼木 枳殼各二兩

為末醋糊丸梧子大空心食前米飲下三四丸

玉屑丸 治腸風瀉血久不止者

槐根白皮去粗皮 苦練根去皮 椿根白皮各三兩

于九日後二 天南星 半夏各五錢 並生用 葳靈仙兩

寒食麵三兩 右末滴水丸梧子大每服三十九

以水一鍾煎沸下丸子煮令浮以匙抄起溫

送下不要嚼空心食前服有人下血幾盈盆

頓爾疲萎諸藥不効許學士以此治之良愈

槐花飲 治腸風有濕脹滿下血

蒼朮 厚朴 陳皮 當歸 枳殼各一兩 槐花

二兩 甘草 烏梅各五錢 每服一兩水煎空心服

治下血方

椿根白皮去粗皮 枯白礬一兩 甘草 滑石一分 血竭

五錢 人參三錢 黃連二錢 共為末米飲下

治寒之劑

烏荊丸 治腸風

川烏頭去一兩皮尖荊芥穗二兩 為末醋丸桐子大

每服二十九丸酒送下白湯亦可下病發時日

進三服不發時日進一服

黃土湯 治先便後血名遠血

粉草 熟地 白朮 附子炮 阿膠 黃芩上已

各三升 中土半升 右七味以水八升煮取三升

分作三服

赤豆當歸散 治先血後便名近血

赤小豆

五兩浸令芽出晒乾

當歸一兩 為末白湯調下二

錢日三服

梅師云治熱毒下血或因食熱

物發動以赤小豆杵末水調下方寸匕

又方 治腸風 赤小豆炒黑為末每服二錢米

飲調下由此觀之赤小豆寒熱皆能治也

益智和中湯 治腸澼下血紅或深紫黑色腹中

疼腹皮惡寒右三部脉中指下得之俱弦按之

無力關脉甚緊肌表陽明分涼腹皮熱而喜熱

物熨之內寒明矣 升麻 甘草炙 歸身 黃

芪各一錢 葛根 益智 半夏 丹皮 柴胡

白芍錢半 桂枝 肉桂 乾姜許少 水煎食後服

羅太無治真定摠管因免強飲酸酒得腹痛次傳
泄瀉十餘日便後見血或紅或紫腸鳴腹痛醫
以諸見血皆熱治以芍藥柏皮湯之類前証如
故仍不欲飲食則嘔酸形體愈瘦面青黃不
澤心下痞惡冷物口乾時有煩躁不得安卧請
予治之診得脉弦細而微遲手足梢冷內經曰
結陰便血一升再結二升三結三升又曰邪至

五臟則陰脉不和陰脉不和則血留之結陰者
病陰氣內結不得外行血無所稟滲入腸間故
便血也以平胃地榆湯主之

蒼朮錢一 厚朴 陳皮 茯苓 白朮 乾葛

甘草炙各五分 乾姜 當歸 炒麴 白芍 人參

益智仁各三分 地榆七分 升麻 黑附子炮各一錢

生姜三片棗二枚水煎食前溫服

此藥溫中散寒除濕和胃數服病減大半又
灸中脘二十七壯引胃氣上升次灸氣海百壯

生發元氣以還少丹服之以長肌肉至春再
灸三里三七壯治脾壯胃生發元氣次服芳
香之劑慎言語節飲食而安

王海巖云治楊師醉醒發大渴飲水三大盞又飲
冷茶三碗後病便鮮血四次得一盆先與吳茱
萸丸次日又與平胃五苓各半散三大服血止
後自利又與神應丸四服自利乃止或問曰何
不用黃連之類以解毒予曰若用寒藥其疾大
變難治寒飲內傷復用寒藥非其治也况血為

寒所凝入大腸間而便下血溫之乃

所以得熱則自止

楊氏飲冷酒瀉血對金散止之亦是理中脫分別

陰陽安定血脉之意也 唐生病因飲酪水及

食生物下利紫黑血十餘行脾胃受寒濕與六

神平胃散半兩加白朮三錢以利腰臍

間血一服愈

胃風湯 治大人小兒風冷乘虛入客腸胃水穀

不化泄瀉注下及腸胃濕毒下如豆汁或下瘀

血日夜無度 人參 茯苓 川芎 官桂

白朮 當歸 芍藥 各等分 每服五六錢加粟米

百粒同煎稍熟服若加熟地黃芪甘草等分名
 十補湯 若虛勞嗽加五味子 有痰加半
 夏 發熱加柴胡 有汗加牡蠣 虛寒加
 附子 寒甚加乾姜皆依本方等分 骨蒸
 發熱飲食自若者用十補湯加柴胡一兩
 氣弱加人參小便不利加茯苓 脉絃澁加
 川芎 惡風加官桂 脉澁加當歸 腹痛
 加白芍 胃熱温盛加白朮
 豈豆蔻散 治丈夫傷血婦人血崩瀆入大腸出

草豆蔻 檳榔各炒 鶯粟殼 燒灰

等分為末每服二錢米飲下

濟生剪紅丸 治臟腑虛寒下血不止面色痿黃

日夕羸瘦 側柏葉炒黃 鹿茸火去毛 附子炮

皮川續斷酒浸 黃芪 阿膠蛤粉炒 白礬枯五錢 當歸

酒浸各一兩 為末醋煮米糊為丸如桐子大每服七

十九丸空心米飲下

羅太無結陰丹 寒濕下血者為結陰治腸風下

血臟毒下血諸大血疾

枳壳 麩炒 葳靈仙 黃芪 橘紅 椿根白皮

何首烏 荆芥穗各五錢 為末酒糊丸桐子大

每服七十丸陳米飲入醋少許煎過少冷送

血熱之劑

黃連湯 治大便後下血腹中不疼謂之濕毒下血

黃連 當歸各五錢 甘草炙錢五分 水煎食前服

聚金丸 治腸胃積熱或酒毒大便下血腹中熱

痛煩渴脉弦數

黃連四兩四製生乙兩酒炒乙兩 黃芩乙兩

防風乙兩 右為末糊丸桐子大每服五十九丸米泔

浸枳壳水下

保命集芍藥黃連湯 治大便後下血復中痛謂

之熱毒下血

芍藥 黃連 當歸各五錢 淡桂五分 甘草炙二錢

大黃 右每服一兩水煎服 如痛甚者加木

香櫛榔末各一錢調下

拔萃涼血地黃湯 如飲食不節起居不時陰受

之陰受之則入五臟入五臟則填滿閉塞下為

九卷
五
飧泄久為腸澼水谷與血另作一派唧出也時
令值夏濕熱太盛正當客氣勝而主氣弱也故
腸澼之証甚此湯主之

熟地 當歸 青皮 槐花炒各五分 知母炒 黃柏

炒各錢 水煎服 如臍下悶小便澁或大便後

重調木香檳榔末各五分稍熱空心服如裏

急後重又不去者宜下之如有傳變隨症加減治之

一方 槐花 荆芥穗各等分 為末酒調下一錢半

空心仍食猪血妙

運蒲散

黃連 蒲黃炒各一分 黃芩 當歸 生地黃

枳壳炒 槐角 芍藥 川芎各一錢 甘草五分

如酒毒加青皮乾葛去枳壳 濕毒加蒼朮

白朮 水二鍾煎一鍾食前服

槐角丸 治五種腸風下血痔漏脫肛

槐角三兩 地榆 黃芩 當歸 防風 枳壳

二兩 麩炒各 右為末酒糊丸桐子大每服七十九空

心未飲下

大臙丸 治腸風下血及痔疾神效

黃連半斤去芦為末入肥大腸臙頭一段內前後用線縛定蒸爛為度

搗為丸桐子大每服百丸空心米飲下

秘方栢葉散 治便血甚効

扁栢葉晒乾為末糯米炒黃為末等分每服五錢空心白湯

調下如未止再加炒黑木耳末一錢

又方 治臙毒不止

當歸 枳壳 側栢葉 槐角 百草霜

芍藥各一兩右共一處炒令烟微起為度研末每

服二錢空心温酒調下日午米湯下甚妙

又方 治積血便血

蒼朮 陳皮各二錢五分黃栢 黃芩各七錢五分連翹

五分右為末以生地黃膏六兩為丸桐子大空心

及食前白湯下七八十丸

丹溪方 治脉緩大口渴便血及婦人月水紫色

勞挾湿熱

白朮五錢地黃 黃栢炒白芍藥各三錢地榆

香附各二錢黃芩乙錢為末餗餅為丸

又方 治便血久、傷血并麻風症癰瘡見面者

龜板二兩升麻 香附各五錢白芍兩半側柏葉兩

椿根皮七錢五分為末粥丸桐子大以四物湯加白

木黃連甘草陳皮煎湯下

槐花散 治腸風臟毒

槐花炒側柏葉焙荆芥 枳壳炒等分

每服二錢米飲下空心食前服

又方 治下血

槐花炒枳壳炒地榆蜜炒各三錢

水煎露一宿頓溫服之立愈

相黃丸 治腸風臟毒下血鮮紅

生地黄 黃柏炒各一斤為末煉蜜丸一桐子大每空

心食前米飲下八九十九

枳壳散 治諸便血

枳壳麩炒黃甘草炙三錢為末每服一錢空心米

飲調下酒煮黃連丸

酒煮黃連丸

黃連去芦十兩好酒五升煮黃連以酒乾為一以焙乾

為末麵糊丸桐子大每服三十丸空心服

加減四物湯 治腸風下血

側柏葉 生地 川歸 川芎各八兩 枳壳

槐花炒 荆芥 甘草炙 各地榆 条芩各六分

防風分六 加烏梅一個羊 三片水煎服

參栢丸 治腸風下血

苦參 黃栢等分

烏天百... 空心酒吞百丸

補虛之劑

竹茹湯 治婦人汗血吐血尿血下血

竹茹 熟地各二兩 人參 白芍 桔梗 川芎

當歸 甘草 炙桂心各一兩 每服一兩 水煎食遠服

參苓白朮散 治脾氣虛不能約束其血或為寒

涼藥傷以致飲食少進面色痿黃

補中益氣湯加阿膠蒲黃 治清氣下陷中氣不

足下血不止

十全大補湯 理中湯 胃風湯

雜方

固榮散 治吐血便血

白芷 五錢 蒲黃 炒 地榆 各一兩 甘草 一錢五分

右為末每服二錢溫酒調服氣壯者加石羔一兩

一方 治糞後下血不止

艾葉汁 生姜汁 各三合和服

一方 治中毒下血

蝟蝟皮珠炒成為末每服二錢水調下日三服

烏梅丸 治便血下血

烏梅三兩燒存性為末醋糊丸桐子大空心米飲下

一方 治便血

白芷 五倍子 為末粥丸桐子大每服五十丸米湯下

靈苑方 治腸風下血久不止

茄蒂煨存性每服三錢食前米飲下

丹溪云茄蒂燒存性山枝炒等分為末丸之米飲吞下百丸効

本事方 治腸風

絲瓜燒存性空心酒調下二錢

五槐丸 治臟毒

五倍子 槐花陳百藥煎好者各為末酒糊丸

桐子大每服廿丸空心米飲下日三服

又方 治腸風臙毒酒痢下血

黃連 生姜 二味煎湯下二氣丸次五槐丸

又方 金星草五兩味苦寒陳乾姜

右為末空心新汲水調下一錢

蒜連丸 治臙毒

黃連為末以大蒜煨熟去衣研和丸桐子大每

服五十丸陳米飲下 蒜能清血

東垣烏梅丸 治腸風下血

真僵蚕 烏梅肉各乙兩為末糊丸鷄頭

大每服百丸白湯吞下日三服

一方 治腸風下血 馬鞭草搗自然汁服良

一方 治腸風下血及血崩丹溪云亦治汚血

五靈脂炒去火每服二錢

二麩散 治酒積下血不止糞後見諸藥不効者

神麩兩白酒藥九二俱為末清水調捏成餅子慢

火上炙黃為末每服二錢白湯下亦治泄瀉神効

丹溪方 治腸癖

陳年棕櫚燒存性百葉煎為丸服

又方 治臟毒便血

生藕節切片清晨蘸平胃散嚼下

治腸痔大便常血 葱白三五斤煎湯盆中坐浸之瘥

又灸法 平直量骨脊與臍中處椎上灸七壯或

年深者更于椎骨兩傍各一寸灸七壯除根

治腸風下血 椿根皮酒煎服即愈

治下血不止 木賊二兩作二帖水煎空心服如人行五里再服

九竅出血 耳目口鼻大小便皆出血者是也

黃金散治九竅出血 牛黃 鬱金等分為末

血餘散 治血淋兼治內崩吐血舌血小便出血

亂髮皂角水洗淨晒乾燒灰為末 每服二錢以茅草根車前

草煎湯下 本草謂髮灰消瘀血通開格利水道破癥瘕血衄有人生血瘤大如

栗常被衣擦破則血出不止用胎髮灰敷之愈一人刀傷血流不止用胎髮灰敷之立愈

孫真人治九竅出血用黃荊葉搗汁酒和服之

丹溪治九竅出血以大薊一握搗汁以酒和服之如無生者以乾者為末

方龍骨末酒煎通口服

中蠱下血

綱目云唾水沉者心腹絞痛下血如爛肉者為蠱
千金方治中蠱下血如鷄肝出其餘四臟俱壞惟
心未毀或鼻破待死取馬藟根末水服方寸七
隨吐即出極神以苗葛蔓綠紫生子似橘

梅師方治卒中蠱毒下血如鷄肝晝夜不絕臟腑
敗壞待死用白藜荷葉密置病人卧席下勿令
病人知竟自呼蠱王姓名

百一選方治中蠱毒或吐血下血如爛肝者取蚯
蚓十四條以苦酒三升漬之蚓死但服其汁已
將死者皆可治

千金翼 一治蠱毒下血蝟毛燒末服方寸七 當吐蠱毒

肘後方 治中蠱吐血下血皆如爛肝者

苦瓠一枚水二升煮取一升服之吐即愈

又方 用苦酒一升煮苦瓠令消服之神効

金瘡出血

軍中方 治金瘡出血不止

半夏生用為末搽之緊扎立止

又方 風化石灰五月端陽日取苧葉搗汁拌勻
做成大餅子陰乾每用研極細末罨上立止

桃花散 治金瘡出血及杖瘡

風化石灰一斤將軍末子四兩先將灰炒漸投將軍

末子候看灰如桃花色即止每用少許敷之

血立止杖丹以調做膏藥貼之

一方 胎髮灰傳之立止 三七末罨上立止

血竭細末傳之立止

一子墮車血滯于中

大黃 川歸各等分每服一兩水煎服或五錢

血鬱湯

桃仁 香附 撫芎 紅花 青黛等分

右糊丸桐子大每服白湯下四五十九

八六卷

七四



